

Broj: 03-02-998/2021
Sarajevo, 09.09.2021. godine

PARLAMENT FEDERACIJE
BOSNE I HERCEGOVINE

- Dom naroda -
gosp. Tomislav Martinović, predsjedavajući

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

B-4

Primljeno: 09-09-2021			
Org. Jed.	Broj	Priloga	Vrijednost
02	-02-	1648	21

PREDMET: Mišljenje Vlade Federacije Bosne i Hercegovine

Poštovani,

U skladu sa članom IV.B.3.7.c) (III) Ustava Federacije Bosne i Hercegovine, a u vezi sa članom 157. stav (4) Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03, 21/09 i 24/20), u prilogu Vam dostavljam **Mišljenje o Nacrtu zakona o izmjeni Zakona o pripadnosti javnih prihoda u Federaciji Bosne i Hercegovine, koji su podnijeli Jasmin Duvnjak, Ivo Tadić i Slađan Ilić, delegati u Domu naroda Parlamenta Federacije BiH**, a koje je Vlada Federacije Bosne i Hercegovine utvrdila na 280. sjednici, održanoj 09.09.2021. godine.

Mišljenje se dostavlja na službenim jezicima i pismima Federacije Bosne i Hercegovine.

S poštovanjem,



PREMIJER.

Fadil Novalić

Prilog: kao u tekstu na bosanskom jeziku

Cc: Federalno ministarstvo finansija -
Federalno ministarstvo financija
gđa Jelka Milićević, ministar

BOSNIA AND HERZEGOVINA
FEDERATION OF BOSNIA AND HERZEGOVINA
GOVERNMENT

Na osnovu člana 51. Poslovnika o radu Vlade Federacije Bosne i Hercegovine – Prečišćeni tekst („Službene novine Federacije BiH“, br. 6/10, 37/10, 62/10, 39/20 i 67/21), a u vezi sa članom 157. stav (4) Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09 i 24/20), nakon razmatranja Nacrta zakona o izmjeni Zakona o pripadnosti javnih prihoda u Federaciji Bosne i Hercegovine, koji su podnijeli Jasmin Duvnjak, Ivo Tadić i Slađan Ilić, delegati u Domu naroda Parlamenta Federacije BiH, Vlada Federacije Bosne i Hercegovine je na 280. sjednici, održanoj 09.09.2021. godine, utvrdila slijedeće

MIŠLJENJE

Predloženim tekstom Nacrta Zakona o izmjeni Zakona o pripadnosti javnih prihoda u Federaciji Bosne i Hercegovine, briše se u članu 9. stav 2. Zakona o pripadnosti javnih prihoda u Federaciji Bosne i Hercegovine („Službene novine Federacije BiH“, br. 22/06, 43/08, 22/09, 35/14 i 94/15), kojim je određen ponder 1,9658 za Kanton Sarajevo.

Dalje, u obrazloženju Nacrta Zakona i razlozima za donošenje istog navodi se da ponder za Kanton Sarajevo više nije potreban jer citiramo: „*ukoliko je zbog stepena ratnih razaranja i posljedica agresije na BiH te činjenice da je Sarajevo glavni grad Bosne i Hercegovine, bila potrebna veća finansijska podrška za obnovu, onda je takva funkcija trenutnog Zakona već odavno ispunjena, pa je krajnje vrijeme da se raspodjela prihoda vrši na pravedniji način i omogućiti ravnomjeran razvoj Federacije BiH*“, te je s toga predloženo i brisanje pondera za Kanton Sarajevo.

U vezi sa prednjim ukazujemo da je na 24. redovnoj sjednici Predstavničkog doma Parlamenta Federacije BiH, održanoj 27.07.2021. godine, Predstavnički dom Parlamenta Federacije BiH prihvatio Nacrt Zakona o izmjenama Zakona o pripadnosti javnih prihoda u Federaciji Bosne i Hercegovine, koji su predložili Salko Zildžić i grupa zastupnika u Predstavničkom domu Parlamenta Federacije BiH, kojim se predlaže isti Zakon kao u predmetnom aktu, a na koji je Vlada Federacije BiH na 258. sjednici, održanoj 11.03.2021. godine, utvrdila Mišljenje V. broj: 424/2021 od 11.03.2021. godine.

Naime, u zaključku Predstavničkog doma Parlamenta Federacije BiH, broj: 01-02-393/21 od 28.07.2021. godine navedeno je da Predstavnički dom Parlamenta Federacije BiH prihvata Nacrt Zakona o izmjenama Zakona o pripadnosti javnih prihoda u Federaciji Bosne i Hercegovine, koji su predložili Salko Zildžić i grupa zastupnika u Predstavničkom domu Parlamenta Federacije BiH, te se smatra da može poslužiti kao osnova za izradu Prijedloga Zakona. Dalje se u zaključku nalaže predlagaču da organizuje i provede javnu raspravu u trajanju od 60 dana i da predlagač prilikom izrade Prijedloga Zakona uzme u obzir sve primjedbe, prijedloge i sugestije iznesene u raspravi kao i one koje su dostavljene ili će biti dostavljene.

V. broj: 1372 /2021
09.09.2021. godine
Sarajevo

